



ՀԱՆԳԻՍ

ԱՐԺԱՆԱՊԱՏԻՎ Տ. ՀՄԱՅԱԿ ԱՎԱԳ ՔԱՀԱՆԱ
ՏԵՐ-ԽԱԶԱՏՐՅԱՆԻ
(1895—1970)

Օգոստոսի 9-ին Լենինական քաղաքում վախճանվեց արժանապատիվ տ. Հմայակ ավագ քահանա Տեր-Խաչատրյանը:

Հանգուցյալը ծնվել է 1895 թվականին Բաղեշում (Բիթլիս), քահանայի ընտանիքում: Նա իր նախնական կրթությունը ստացել է տեղի ծխական դպրոցում: 1908 թվականին հանգուցյալը ընդունվում է Արմաշի դպրեվանքը, որտեղ ստանում է հոգևոր կրթություն և ձեռնադրվում սարկավագ:

1914 թվականին մի խումբ հոգևորականների հետ մեկտեղ արքայություն է Տեյր Էլ Զորի անապատները, մինչև մրուր ընկնում է ազգային ճակատագրի դառնության քաժակը և, աստվածային նախախնամությամբ փրկվելով կոտորածից, հասնում է Երուսաղեմ: 1922 թվականին այդտեղից անցնում է Հունաստանի Սեյանիկ քաղաքը:

1925—1937 թվականներին Հունաստանի Էփոն քաղաքում ուսուցչական պաշտոն է վարում ու 1937 թվականին նա քահանա է ձեռնադրվում Կարապետ արքեպ. Մազյումյանի կողմից և քահանայագործում Հունաստանի Պատրիարքայի հալ համայնքում:

1938 թվականին նշանակվում է Կրետե կղզու հայոց հոգևոր հովիվ:

1946 թվականին հանգուցյալն իր ընտանիքով ներգաղթում է Հայաստան և բնակություն հաստատում Էջմիածին քաղաքում: 1948 թվականին Ամենայն Հայոց Գևորգ Զ կաթողիկոսի կարգադրությամբ տեղի Հմայակը պաշտոնավարում է Լենինականի ս. Աստվածածին եկեղեցում:

1956 թվականին հանգուցյալը իր բարեխիղճ և նվիրյալ գործունեության համար Ամենայն Հայոց կաթողիկոս Վազգեն Ա-ի

կողմից պարգևատրվում է լանջախաչով: Իսկ 1965 թվականին, իր երկարամյա և անբախիր գործունեության համար, արժանանում է ավագ քահանայության պատվի:



Տեղ հայրը ուր էլ որ քահանայագործել է, վայելել է իր հոտի սերն ու համակրանքը և հանդիսացել է բարի և քաջ հովիվ:
Հանգիստ իր ոսկորներին: